



**Skólaráð Tjarnarskóla**  
**fundargerð 8. fundar**  
( 2. fundur á skólaárinu 2011-2012)  
**Miðvikudaginn 18. apríl kl. 08:30**

Mættir voru:

Margrét Theodórsdóttir, skólastjóri  
Þórir Andri Karlsson, kennari  
Viktoría Gílsdóttir, kennari  
Helga Júlía Vilhjálmsdóttir, ritari  
Kristín Ingvadóttir, foreldri  
Níels Adolf Guðmundsson, foreldri  
Unnur Agnes Níelsdóttir, nemandi  
Ragnheiður Hanson fulltrúi grenndrasamfélags hafði boðað forföll.

**Auk þeirra:**

*Hrafnhildur Guðmundsdóttir, fulltrúi nemendaráðs*  
*Rannveig Sól Matthíasdóttir, fulltrúi nemendaráðs*  
*Eysteinn Helgi Pálsson, fulltrúi nemendaráðs*  
*Isabelle Helga Poppé-Bailey, fulltrúi nemendaráðs*

Fundarritari var Helga Júlía Vilhjálmsdóttir

Fulltrúar í nemendaráði voru einnig boðaðir á fundinn en í reglugerð um störf skólaráðs er gert ráð fyrir einum fundi á vetri þar sem nemendaráðsfulltrúum er boðið að taka þátt í störfum skólaráðs og koma sínum óskum og tillögum á framfæri.

Margrét setti fundinn.

Fyrst var óskað eftir álitum fundarmanna á nýjum fundartíma kl. 8.30. Allir sammála um að þessi tími henti vel fyrir skólaráðsfundi. Ákveðið að hafa framvegis morgunfundi í stað síðdegisfundi eins og oftast hingað til.

### **1. Skóladagatal næsta skólaárs 2012 - 2013**

Fyrsta mál á dagskrá var að fara yfir skipulag skóladagatals næsta skólaárs 2012 – 2013. Margrét benti á þá grunnreglu að skóladagar eigi að vera 180 á skólaárinu. Skólasetningardagur verður miðvikudaginn 22. ágúst og haustferð er áætluð í byrjun september. Farið var yfir tillögur að vetrarfríi á 1. önn og tekin ákvörðun um að hafa tvo vetrarfrídaga í staðinn fyrir þrjá eins og í fyrra. Í nóvember hefst 2. önn og fyrsti skóladagur árið 2013 verður 3. janúar.

Margrét bað skólaráðið um að skoða vel skipulag febrúarmánaðar vegna prófa og frídaga. Á kennarafundi hafði verið stungið upp á að hafa próf á 2. önn bæði fyrir og eftir öskudag.

Hrafnhildur fulltrúi í nemendaráði benti á að það væri erfiðara fyrir nemendur að slíta prófatímabilið í sundur með öskudegi. Á móti kemur að ef þessu fyrirkomulagi er haldið þá fá nemendur tvær helgar til próflesturs í stað einnar. Margrét leitaði eftir álitni nemenda á hvort þeir vildu halda öskudeginum sem skóladegi eða frídegi. Fundar meðlimir ræddu kosti og galla og var niðurstaðan sú að flestum nemendum þætti gaman að mæta í skólann í öskudagsbúningum og lögðu til að þessi dagur yrði samt óhefðbundinn kennsludagur (hafa viðfangsefni sem fælu í sér einhverja tilbreytingu). Kristín benti á að það gæti verið sniðugt að hafa foreldrafélagið með í skipulagningu og Þórir benti á að skóli á öskudag væri orðinn hluti af Tjarnarskólamenningunni. Fundar meðlimir greiddu atkvæði um öskudaginn og var samþykkt að halda honum sem skóladegi en með óhefðbundnu sniði. Prófadagarnir voru einnig samþykktir.

Í mars er bókuð skíðaferð og þemadagar sem áður voru í janúar eru settir í lok mars. Prófadagar á vorönn eru fimm og áætluð skólaslit eru 5. júní. Margrét spurði í lokin um álit fundarmanna á að hafa þrjá annir í stað fjögurra. Allir fundar meðlimir lýstu yfir ánægju með breytingarnar.

Hrafnhildur kom með hugmynd um að fækka rannsóknarverkefnum vetrarins úr tveimur í eitt. Hún nefndi að nemendur legðu almennt mikla vinnu í verkefni en að sér fyndist að þar sem hún hefur verið í Tjarnarskóla í næstum 4 ár þá væri hún búin að skila 8 verkefnum og væri orðin vel þjálfuð í að gera verkefni af þessu tagi. Margrét þakkaði henni ábendinguna sem verður skoðuð á þeim kennarafundi þar sem endurskoðun á rannsóknarverkefnum verður tekin fyrir áður en skólaárið er úti.

Að loknum umræðum og athugasemdum var skóladaðatalið 2012 – 2013 samþykkt af skólaráðinu.

## **2. Vorviðburður nemenda og foreldra**

Í starfi skólaráðs er gert ráð fyrir að nemendur og foreldrar taki þátt í sameiginlegum viðburði af einhverju tagi. Nokkrar umræður urðu um þennan lið og síðan var tekin ákvörðun um að efna til leikhúsferðar líkt og í fyrra en sú ferð tókst mjög vel. Þá var farið í skoðunarferð um Þjóðleikhúsið áður en farið var á leiksýningu um kvöldið. Fundarmenn voru sammála um að leikhúsferð er ánægjulegur viðburður. Unnur Agnes í 10. bekk (sem er mikill leikhúsáhuga- maður) ætlar að kanna með Margréti hvað er á boðstólum hjá leikhúsunum og koma með tillögu.

## **3. Önnur mál**

Nemendur komu með hugmynd um að það gæti verið gaman ef nemendur í skólanum gætu eignast „Tjarnarskólapeysur“. Þessi hugmynd fékk góðar undirtekir. Rætt um að hafa hönnunarkerppni meðal nemenda um flottustu peysuna.

Kristín fulltrúi foreldra spurði hvort nemendur í skólanum vissu nægilega mikið um hlutverk fulltrúa nemenda í skólaráði. Margrét sagði að þeir hefðu kynnt vel sitt hlutverk í bekkjunum og þetta væri góður vettvangur fyrir nemendur til að koma fram með skoðanir eða málefni sem þeir vilja koma á framfæri, það mætti þó alltaf halda umræðunni vakandi og benda nemendum á þessi réttindi sín.

Þar sem þetta var síðasti formlegi fundur skólavetrarins var öllum þakkað fyrir sína þátttöku í skólaráðinu og fulltrúum í nemendaráði þakkað fyrir komuna og góða þátttöku.

Fleira ekki gert, fundi slitið eftir um klukkustund.

HJV